

Image not found

<http://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Chantars no pot gaires valer > Tradizione manoscritta > CANZONIERE P > Edizione diplomatica

Edizione diplomatica


	Bernard del uentedorn. CH antars no(n) pot gaire ualer Si dins del cor non mou lo chan(s) Ni chans no(n) pot del cor mouer Si no(n) hi es fin amors coraus P(er) so es mo(s) cantars cabalus Quen ioi damor ai eszenten La boquels hueilh el cor el sen Ja dieus nom da aqul poder Que damar nom prenda talans Can ia re no(n) sabri auer Mas chascun iorn men uengues mau(s) Trostems naurai bon cor siuaus E nai mot mai s de iauzimen Qua nai bon cor e mi aten Amor blasmon per no(n) saber Folla gens mas lieis no(n) es dans Camors no(n) pot ges decazer Si no(n) es amors comunaus Aco no(n) es amors aitans Nona mas lo nom el paruen Que ren non ama si non pren Si eu en uolgues dir lo uer
---	---

image not found
http://letteraturaeuropea.let.uniroma1.it/sites/default/files/pp22.jpg

Dieu sai be de cui mou languans
Da quellas camors per auer
E son mercandas uenaus
Mensongiers fo s hieu efaus
Uertat endic uilanamen
E pezame car ieu non men

En agradar esz en uoler
Es lamor de dos fis amans
Nuilha res noi pot pron tener
Silh uolontatz no(n) es engas
E sel es ben fols naturaus
Qui daco qe uol la pren
E ilh lauza so qe no(n) les gen

Molt ai ben mes mon bon er
Cant ellam mostra bel(s) senblans
Quieu plus deszir e uueilh uezer
Franque dousa fin eleiaus
En cui lo reis seria saus
Bella cuenhda ab cor conuinen
Ma fait ric hom de nien

Re mais non am ni sai temer
Ni ia res nom seria afans
Sol mi dons uengues a plazer
Caisel iorn mi sembla nadaus
Cab sos bels hueilhs esperitaus
Mas garda mas so fai tan len
Cuns sols dias me dura sen

Lo uers es fis e naturaus
E bons sel ui qui be lanten
E meilhers mi quel ioi aten

Bernartz de uentadorn lanten
El ditz el fai el ioi aten

- letto 763 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-749>